

Ո Ր Ո Շ ՈՒ Մ N 63/6
/ ՎԱՐՉԱԿԱՆ ՎԱՐՈՒՑԹԸ ԿԱՍԵՑՆԵԼՈՒ ՄԱՍԻՆ/

«07» մարտի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, վերանայելով Վահրամ Վարդանի Հովհաննիսյանի (ծնված՝ 16.08.1983թ., հասցե՝ ՀՀ, Կոտայքի մարզ, ք. Հրազդան մ/2 շենք 300, բն.36, անձնագիր BA2728785) կողմից մաքսային կանոնների խախտման վերաբերյալ գործը

Պ Ա Ր Զ Ե Ց Ի

2019 թվականի հունվարի 7-ին Բագրատաշենի մաքսային կետ-բաժնում մաքսային զննման է ենթարկվել Վրաստանի Հանրապետությունից ՀՀ ժամանած Վահրամ Հովհաննիսյանին պատկանող «OPEL COMBO» մակնիշի, 23VL001 պետհամարանիշի ավտոմեքենան: Մաքսային զննման արդյունքում պարզվել է, որ մեքենայում առկա են հայտարարագրման ենթակա ապրանքներ: Վարորդից վերցվել է տրանսպորտային միջոցի հաշվառման վկայագիրը և մեքենան ուղարկվել խորը զննման անգար: Տրանսպորտային միջոցի զննման ընթացքում պարզվել է, որ առկա են հայտարարագրման ենթակա քսանմեկ արկղ մեխակ տեսակի ծաղիկներ: ՀՀ քաղաքացի Վ. Հովհաննիսյանին առաջարկվել է ներկայացնել մաքսային ձևակերպումների համար անհրաժեշտ փաստաթղթերը /բուսասանիտարական սերտիֆիկատ/: Վ. Հովհաննիսյանը առանց մաքսային մարմինների թույլատվությամբ, տվյալ բեռի վերաբերյալ հայտարարագիր չներկայացնելով, լքել է Բագրատաշենի մաքսային կետ-բաժնի տարածքը՝ իր հետ տանելով հայտարարագրման ենթակա 21 արկղ մեխակ տեսակի ծաղիկները:

Փաստի առթիվ 22.01.2019 թվականին Վահրամ Հովհաննիսյանի նկատմամբ ՀՀ մաքսային օրենսգրքի 203 հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

<<Վարչարարության հիմունքների և վարչական վարույթի մասին>> ՀՀ օրենքի 49-րդ հոդվածի 2-րդ մասի <<ա>> կետի համաձայն՝ վարչական մարմինը կարող է կասեցնել վարչական վարույթը, եթե վարչական ակտի հասցեատերը բացակայում է, և վարչական

մարմինը, նախքան վարչական ակտ ընդունելը, անհրաժեշտ է համարում նրա ներկայությունը՝ վարույթին առնչվող որոշ կարևոր հանգամանքներ նրանից պարզելու համար:

Հաշվի առնելով վերոնշյալը՝ ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 49 հոդվածի 2-րդ մասի <<ա>> կետով.

Ո Ր Ո Շ Ե Ց Ի

1. ՀՀ քաղաքացի Վահրամ Հովհաննիսյանի վերաբերյալ 22.01.2019թ. հարուցված վարչական վարույթը կասեցնել:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ